



The Mizoram Gazette

EXTRA ORDINARY

Published by Authority

REGN. NO. NE—313 (MZ)

Vol. XXXI Aizawl, Wednesday 20. 3. 2002, Phalguna 29, S.E. 1923 Issue No. 104

HRIATTIRNA

No.MPWD-24/PIU/LA/2K/, the 18th March, 2002. Govt. of Mizoram Revenue Department Hriattirna (Notification) No.K-15011/92/REV-2000 Dt. 14th March, 2002—in a tarlan angin Aizawl-Thenzawl-Lunglei kawng, Buangpui leh Lunglei inkar leh Zemabawk-Melthum (Silaimual) chu laih tum a ni a. He kawngpui zauh nan hian mimal in te, huan leh ram te Land Acquisition Act, 1894 dan tlawhchhanin laksak an ni dawn a. Kawngpui zauh nana ram mamawh tur ruahman chin chu kawngpui awmsa kawng ko atanga kawng chhak lam meter 5 a ni a. Kawng kawi zual lai te chu tan ngil a kawng thar laih tum a ni nual baw a. Chutiang ruahmanna hmunahte chuan meter 15 aia tlem lo ram lak tum a ni baw a. Aizawl Bypass Zemabawk atanga Melthum (Silaimual) a chhuak turah phei chuan kawng awmsa zauh bakah meter 15 atanga 20 inkar mamawh tur a ni baw a ni.

Sawrkarin kawngpui zauh nan dan hmanga ram lak a tum chungchang hi sawiselna nei te tan, he hriattirna chhuah ni atanga ni 30 ral hma ngeiin sawiselna chhan Chiang taka ziakin a hnuaia hming ziaktu hnenah thehluh theih a ni.

He kawngpui zauh tur chin ram mamawh ti Chiang tur hian a hmunah teh fel hna tan nghal a ni dawn a. Hriattirna in a huam chin ram chungah sawrkar hnena phalna la hmasa lo chuan In sak/Thingphun leh a dangte phal a ni tawh lova. Hriattirna chhuah hnua kutthlak tharte chu zangnadawmna (Compensation) pek theih a ni lovang.

V. Sapchunga,
Special Land Acquisition Officer,
Project Implementation Unit, PWD.

Published & Issued by the Controller, Printing & Stationery, Mizoram

Printed at the Mizoram Govt. Press, Aizawl. C—700